


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之二十五

戶部尚書楊公墓誌銘

開甫熊君墓誌銘

黃僉事墓誌銘

五清劉先生墓誌銘

僉事王公墓誌銘

靖之申君墓誌銘

留餘陳先生墓表

城南張公墓誌銘

瑯琊

王世

貞續編



黃雲

林俊

林俊

劉龍

湛若水

許魯宗

浙江圖書

僉事李公墓誌銘

王九思

潘君宗節墓誌銘

江公景孚墓誌銘

胡世寧

紫峯陳公傳

王慎中

汪公子宿墓誌銘

諸大綬

舜澤張先生墓誌銘

崔銑

楊公汝承墓誌銘

許應元

胥臺素公墓誌銘

文徵明

皇甫君墓誌銘

文徵明

東華王公墓誌銘

羅洪先

浙江圖書館

東華王公墓表

石亭陳公墓誌銘



浙江圖書館

王世貞

顧璘

五



浙江圖書館

封光祿大夫柱國少保兼太子太保戶部尚書文淵閣大學士楊公墓誌銘

靳貴



正德十年乙亥春正月二十有二日致仕湖廣按察司僉事封光祿大夫柱國少保兼太子太保戶部尚書文淵閣大學士楊公卒于家少師兼太子太師吏部尚書華蓋殿大學士石齋先生之父也先是四年己巳嘗有微疾先生䟽乞歸省上慰留不允特遣太醫馳驛往視又五年甲戌先生復申前請仍不允而令有司以禮慰問至是訃聞痛哭以不得見為恨上䟽乞歸守制上遣司禮監官吊慰賜白金五十兩禮幣四襲寶鏹萬貫白粳十石為賻令

奪情視事先生再䟽陳情優詔勉留若曰內閣事重卿其
柳情輔治以成大孝猶䟽請不已乃賜敕令馳驛奔喪塋
畢即來仍命行人護行有司營兆諭祭加常制者二蓋寵
重輔臣任賢崇德其異數如此某先生門下士供事內閣
又忝從先生後雅辱公愛方驚悼不能為情顧辱命銘墓
其教何敢辭公姓楊氏諱春字元之別號留耕其先楚人
元季避亂入蜀遂家新都曾祖諱世賢祖諱壽山俱不仕
考諱玟貴州永寧州吏目俱贈如公官初寧永公由縣學
生應貢入國子監就遠仕卒於官二子繼沒公沒時尚幼
隨母熊夫人護三喪歸會苗賊亂出入間道區別外內夜

則防護嚴密或竟夕不寐雖在逆旅肅如堂室既歸熊
夫人脫簪珥褻葬事指公曰先君嘗言此兒在何憂吾家
不振補縣學生性穎異日記數千言顧弗克得師自取家
舊藏周易讀之晝夜研究閱七月遂食官廩名頓越成化
元年乙酉領四川鄉試越十七年辛丑始舉進士時先生
已官翰林為檢討公將迎熊夫人就養以不得請引疾歸
熊夫人目已眊至是復明時時趣北上公不忍違居久之
孝廟嗣位乃赴選弘治元年戊申授行人司正前此多叙
遷未有徑授者王端毅公為吏部尚書謂公老成遂授之
司正徑除自公始遠有旨考察京職公第諸行人履悉合

公議行人職掌舊制如冊封宗藩徵聘大臣之類多為諸
司所攝公悉奏復之秩滿耿文恪公署公正上考且語吏
部屬曰此吾太學舊門生也知之故真五年壬子丁熊夫
人憂八年乙卯服闋歆乞致仕親友強之出擢湖廣按察
司僉事奉敕專督學政過家值子廷儀得鄉舉又不欲出
親友復強之乃以四月十有四日上任或謂是日俗當避
忌公笑而謝之卒不顧作士以德行為先歲時考校鑒別
精當凡所甄賞多捷科第時誦其明歸志素決巡撫都御
史暨諸藩臬以試事留之既放榜即疏乞休致仕又道日
遂行時十一年戊午冬也家居越十有八年乃卒先九日

立春猶賦詩手封以寄先生又親書二少子讀書規條蓋
康寧如常時而旦夕不可作矣遺命祔葬先塋毋自擇遠
地及起高墳毋乞卹息其訓諸子若孫者皆以義方公生
正統元年丙辰十月十一日壽八十配葉氏有淑行先卒
贈一品夫人子男七人長曰廷和即先生也次曰廷平鄉
貢士曰廷簡早卒曰廷儀太常寺卿曰廷宣亦貢士皆葉
氏出曰廷曆國子監生曰廷中尚幼女四人長適歸安
知縣張一夔次適城都護衛百戶王息次適部福次在室
孫男十人曰慎曰惇曰愷曰恒曰恂曰忱曰悌曰慥曰悅
曰懌慎翰林修撰惇愷恂俱鄉貢士恒中書舍人孫女十

一人曾孫男一人曰麟孫卒之年 月 日葬先塋之次

墓在縣南山之厚公諒直純^厚孝友出天性能夫人素嚴事

之甚謹惟恐意拂竟以養志聞二弟少孤撫教周至皆克

成有家女弟遺腹生為擇今太僕單寺丞麟歸之公所親

教士也葉夫人卒終身不復繼室治家嚴甚閨廷整然無

敢輕出入者雖諸孫燕見不命之退不敢退教諸子必舉

先賢言行為說雖小過亦不貸嘗曰修身正家吾人分內

事居官能推之國與天下乃為實用先生既位端揆猶以

書諭戒宜以禮法自檢勿侈勿急勿苟徇人意其諭太常

亦然與人交有信初若難合久乃益為人所敬愛接引後

進寸長片善稱揚不容口未嘗及人過失新都自公始治
易其受業者乃相繼取科第不絕學博而邃在太學時嘗
與天下名士即饌堂為文會辯析疊疊有據衆咸心服焉
四方從游者多踵接為顯官志存濟物縣南橋圯鄉人病
之出俸金數百兩脩治蜀藩義其舉助成之又患城守弗
完當預為之圖會慎狀元及第藩臬欲建表坊公固移以
繕城大庇闔邑之赤子乎城成流賊果至趨來保聚者數
萬人皆得免於兵禍平生不習術數而言輒竒驗湖湘人
往往傳其事以為神嗚呼公之福履盛矣令子秀孫既多
且顯魁元卿相勲業文章並萃于一時公皆及親見之又

享高壽累承封錫麟袍玉帶全歸考終豈惟蜀中魚亦天下所僅見也雖其先世所積深厚然公之純德陰功宜必大有過于人人者某淺陋媿不能盡述以示無極乃據公鄉人禮部尚書劉公仁仲狀為誌以銘銘曰

楊胄遙遙古多濟美載稱儒宗則自公始公起孤童學易自躬周義經義畫神契心融頤養以正晉孚以忠帝曰汝賢汝往督學湖湘譽髦惟汝先覺公學有本立教自家家教之成有問日嘉公之教士視子不異士之愛公與父一致龍亢鴻儀易象則然與時偕行其道乃全公亦有言正家最難有物有恒始屬終安父父子子威如之慶奚必

崇高是亦為政維時宰衡寔公元子為國生賢公功在此
式恭神人矧有鄉士亦有諸昆學業是似維子父維搆孫祖
繩豈維魁元亢德世經公封一品公壽八十生有異數葬
有加錫眉山之蘇閬水之陳彼皆蜀望猶匪公倫蘓不以
功陳不以文維公好德既老益欽堂曰留耕所留者心心
田惟良生生不匱尚世耕之以嗣公志

浙

江

浙江圖書館



浙江圖書館

廣西按察司僉事熊君墓誌銘

羅玘

間住翁廣西按察司僉事熊君也諱景字開甫幼為熊氏
令子弟比長以詩領江西已卯鄉薦成化己丑登張學士
榜進士入刑部為主事擢負外郎己亥轉令官甲辰念母
劉氏太安人老無侍請歸養因以是號志休退也丁未

年五十六十月晦日卒越八年是為弘治八年其孤葵始
克與其季葛謀以十月十六日江葬君子前事葵屬鴻
臚序班裘儀來丐銘儀君壻也道君之世與其事甚覈其
為主事也屬部多大獄部長使鞠則屢掣于大閹貴人橫
豎間隔法所入必脅使出所出必入君意一不為動出入

惟法無爽鎚銖至為負外郎亦然時名大起人逆君遂大
用以負外郎贈其父母封太安人妻封安人部長德君助
已常與太宰道君能吏實不欲它用太宰誤以為薦也以
當廣西部長大悔君欣然行凡所轄道在則犴狴一空投
牒受辯旁午立門外入則惟聞脫校聲吏俯首書牘不敢
睨人張關節要脉為姦二廣節鎮都臺朱公嚴於覈實以
賢監司許君檄君勾當尋桂諸徭徭人類而獸性居山林
遇擾動輒號咷叫嘯觝觸跳踉必以死逞靜則跼伏不見
踪跡君知其然約吾兵不得徙壁壘陰遣間衣商人服負
鹽底徭所若為潛竄懋易者徭不疑也集來詞虛實間曰

吾商人不知新按察官何人然見其方具器若古壺狀者
十數寶石其中室以巨木計曰猓出降無庸發此不然此
嘗破大藤峽者也猓懼白酋酋即日降不旬日降猓及獠
獠數十姓盖君以謀勝也公大喜鑄銀牌曰獎勞功勤以
付君亦以勸來者及其請歸也父老泣留謀沮之然以
不及先事為悔無已明年乙巳朝廷追憶其勲以文綺
即其家賜之居毋太安人側恂恂如童七筋不以人代
人問居官時事笑曰國有成憲官率循之無工拙也退然
不以自多而實非忘世者太安人歿喪以禮凡緇黃營于
冥者屏不用嘆曰吾何能俾吾父母貴吾何敢必得養吾

毋以畢吾私皆吾君賜也吾雖駑然誓此身邁往一奮
報者至是已矣熊之先居南昌杉塘世傳楚子熊繹之裔
屹然大宗元社將危盜四起能以兵保障其鄉曰九成人
無少長咸曰善翁是為君之高祖九成生德讓生素敬素
敬生資直資直君父也文皇帝時德讓以才子選在江
西十八人之一竟齟齬終泉州司稅壻諶氏板湖豪也遂
居板湖於君為曾祖素敬懲不仕能以所儲二千石貸饑
人償未竟忽取其券一火燬之復來償者曰而未嘗貸吾
粟何償也弗納號留畊於君為祖資直則儒者也學有源
委教於鄉為嚴師於家亦以嚴勝太安人助之故君無假

它師而成歿贈生封寔宜配付氏封安人者也子葵葛丐
銘者是已女鳴貞儀之妻淑貞妻張記順貞妻齊世華懿
貞妻林紡葛暨世華紡皆業進士為學生孫男龍孫孫女
閨懿尚幼也銘曰

荆支洪居去杉即湖蓄鬱紆發勃如慎刑書往必趨如大
愚批亢擣虛出箇不虞其歸誰呼正虞倚閭不究其圖嗟
烈丈夫今也則亡骨可枯名不渝



浙 江 圖 書 館

黃僉事墓誌銘

黃雲

黃出羸姓後以國為氏今世居高安之折棠山者祖吳益
州太守建封下逮吏部尚書祐國祐國生上高知縣元珪
珪生太姑嶺巡檢秀叔秀叔生臨安府教授以誠以誠生
集饌元翁元翁生宣教生文定文定生尚文配元萬戶江
某女生伯雅伯雅配元總管伍興甫女生寅政寅政生正
端贈監察御史配劉氏贈孺人繼潘氏封孺人生山字允
高垂十齡新喻吳先生匪過其家命屬對語竒警謂其父
曰此君家麟兒驥子也父故業儒亦以嚴為教長學於清
江孫進士五美治易弱冠補府儒學生志立大節不專為

覓舉計成化十年以易中式十四年丁內艱新昌劉高等
未從游公與講學而造詣益深矣二十年登進士第除行
人司行人弘治改元齋詔赦往安慶江西兩廣所歷藩臬
府州縣咸饋儀物悉以義辭二年遣祭襄王所
賜齋亦辭嗣王賢其賢為撰榮壽永思二記以賜祖父
卒公承重丁憂不忘哀慕服闋補前職滿考進階某郎六
歲風憲官鬪員公以年淺不與選若罔聞而不介之意七
年夏六月實授雲南道監察御史明年照刷浙江文卷浙
江大藩照刷者唯其人今吏部尚書致仕屠公巡撫兩廣
時雅知其奉使能廉故以名進而上特命之其臨浙江

不以察為明吏弊民瘼能洞燭幽隱而行法則以恕凡所
按屬莫不懷刑頌德為九年竣事順道還瑞州適歲歉多
盜為有司設賑卹攘除方略時賴以濟十年掌廣西道事
正月上方篤親親之恩於壽寧侯寵祿之過內臣何
文鼎以直諫得罪司禮監太監濫設多負中揚鵬戴義者
尤無良衆懼莫敢言公上疏曰陛下法古道遵祖訓
明於君子小人之辨未嘗輕於進退內臣何文鼎近侍帷
幄臣不知其所言之詳近聞其觸犯天威逮繫掖庭而
欲致之刑揚鵬戴義污濁不謹俾處清切之地必致竊弄
威權紊亂國論伏望聖明察於邪正將何文鼎曲加優

容揚鵬戴義急行屏斥則忠諫之門開倖進之路塞矣治
道豈不益隆哉疏入 上以內事非所宜言特宥其罪罰
俸六月是歲冬進階某郎封贈考妣及妻如制十一年巡
視西城十二年陞廣東僉事四月過抗蕃官屬父老吏卒
載道迂送至馬不能前抵家僅月餘遂不祿矣公家食時
事其父封君敬慎匪懈或有命呼聲稍屬輒曲跽俯首屏
氣聽受疾則躬扶掖視湯藥頃刻不少離居官廉介發於
政事則一以正大行之而特立敢言蹇諤有古諍臣風初
廣東之命下君子謂公宜居諫垣補 袞闕將澄清天下
惜其出司風紀亦足以肅清一道然天奪其年豈蒼蒼者

之無信莫莫者之無神耶嗚呼惜哉其配熊氏繼卒仁慈
儉勤九族咸宜蓋以德配德云公年五十有二生正統十
二年十月初六日孺人年則同公月則某日則某卒則後
公不踰年以某年 月 日祔葬祖塋子 四愚蒙魯直
女三孫男四女幾蒙儒學生以予有一日之長且同姓也
述其世系歷官之詳泣拜徵銘予識公比 京風度俊偉
接人則委曲盡禮意固揆其為禮人而其中之毅然不可
奪者未能深知之然以蒙所述參之衆論之公實以予之
所見克協不溢嗚呼傳稱移孝為忠抑公其何愧哉銘曰
黃居筠陽歷官儒高蹈岩谷四世俱育賢階升天之衢

將命出使利弗污 賢王錫文美且都光遠奚翅照乘珠
我豸衣繡螭頭翅觀夙浙省愚隩區 帝隆外戚數或踰
內臣進言伏青蒲亦有貂璫為國痛封章^直辜上思捐軀分
別邪正散與鈇 天子神聖乃貸辜榮擢過嶺非乘桴漢
唐中季擁位虛倒持大阿擅貶誅八座九列多鄙夫翁稱
父事早於奴彼哉視此汗顙顙遠窻過家色敷腴短髮未
雪思尊鱸命也弗延絕醫巫伉儷同穴若合符公神不亡
鄰大初一節峻凌岱岳孤古有太史晉董狐繼秉直筆銘
匪諛尚載方冊垂耒謨

明奉政大夫山東按察僉事江劉公墓誌銘

林俊

五清劉先生尊甫奉政公之歿去今四十有八年有狀有表傳者四而銘闕焉以屬于俊曰瑞無有苟爾矣嗚呼俊惡足當先生之辱托友其子以銘其父宜公諱時數字用行別號素庵曾祖得賢元季避地自平江徙內江之中江居焉傳友義傳鑑是為公父封承德郎刑部主事母曾封安人劉世德隱承德公尤孝讓以載植有家六子伯氏仲氏有仕僭意尤獨公乎異責所必成公亦力取自副年二十五魁于鄉又四年甲申第進士為刑部主事轉負外郎

又轉山東按察僉事分按東兗兗終訟積數百事逮數千
人就繫動數三歲公裁決浹月而盡訟為之衰濟南北旱
先期民禱蠲租平糴藥疾食瘠招流而瘞殍力且匱獻計
巡撫以亟請于上得發米二十萬石銀四萬伍千兩錢
伍百伍十餘萬民賴全活東人安公公亦不東乎薄也甲
午巡淄川疾作猶強歷數縣至長清輿還越七日不起二
月二日也年三十九察使王君琳提學楊君琅檢其笥敝
袍數襲俸遺無十金問其僕泣曰官人祿致二親故業讓
伯仲而盡無獨無歛存亦無生為也借僚貳悲之時五清
緝弱田太宜人慟哭五清亦慟哭哭絕復蘇蘇復慟哭聲

不忍聞又悲之相為歎言之巡撫為護歸其喪于是丁酉
乎塋公高亢勁直法用仁施仕不學廢視天下事若不足
為權璫有事于東躋先避青守假力求薦考竟下度僚甄
別銖兩不渝覈邊儲議兵食風裁駿發臺察無過者著述
思親有說自警有箴教子有記凡詩文有集在同年友李
文正公卽署友彭惠安公張莊簡公意皆有所到公獨不
謂然然有子五清文重詞坦忠黨動千朝著以有茲貳卿
然公進奉政大夫田進太宜人後之償未艾三公或未然
者五清卽瑞娶汪封孺人孫 孫女墓太平先塋左次銘
曰 楚時蜀居此維與宅松茂竹苞爰續維百儲祥啟淑

篤生臺臣四時屈蟠世舊而信遲絕寃稱巷有語賑食奚
從天子之所人肥我瘠厥疾用罹于疇乃殮黑風辛悲家
乏寸遺目有餘瞑言嗣徽音厥終有令

浙江圖書館

故湖廣按察僉事王公墓誌銘

林俊

弘治乙卯王公一齋以疾䟽于朝乞致仕去未下而卒
七月五日也俊既治其後事其子璵奉柩歸葬某鄉之原
以副史周君南狀丐銘諸石嗚呼公不可復見矣公諱純
字弘文先趙姓宋宗室魏王廷美之後世家河南王八世
孫汪夫為江陰錄事叅軍娶知滁州陳光女光仙居人無
子知錄從以居子時梟鹽官主簿主簿子若愚所交王庚
甫無子求季子醫學訓科嗣嗣遂襲王姓訓科生古鐸
古鐸生懷廣用公貴贈南京都察院經歷母某贈孺人公
年十四游郡庠六就浙試弗利入曹監成化丁酉領應天

鄉薦後三年登進士觀工部政承檄董三大臣墓事費省
功集還授工部主事三原王公恕言事忤旨落太子少
保守南京兵部尚書致仕公言恕社稷大臣朝着無與比
例不可使去疏聞下公獄左官貴州思南推官平氣恤人
聲聞夷燹戊申今上即位薦者章十二上凡系公名遂
擢南京都經歷壬子陞湖廣按察司僉事奉勅提督
學政崇正學抑澆風衝冒寒暑晝夜無數程旁州僻邑馬
跡俱適足寒濕殆不勝舉武猶力疾視舉出按襄陽晨發
均州界山道中中風不語七日始蘇舟還語人曰曷亟死
亟死見素善禮殯我無憂無若我為醫且差忽加番胃竟

死生宣德甲寅七月二十七日享年六十有二配某邑大
姓某之女封孺人子男恢琰璵某出煇炤側室某出女一
適吳洪岳孫男九應龍應選應祥應瑞應陞應奎應辰應
愚應台公蹕屬任真無少鉤鉅不當其意輒見色詞剛氣
勁節凜凜為士夫倡性至孝父母忌辰素食腆祀色戚若
初喪內行淳備閨門脩整充樂為義事嫁故人廖璿孤女
舉門生張璞父喪皆可紀以傳也銘曰道紛紀歧虬結嶮
巖咲語嚙峴城府底窺物竟鈍完亦以芒缺受直視備迺
秦迺越爰有碩入翠壁卅厓惠方孔直外詎中開警壻亦
良載植載耨勤艱億疲宿痼斯邁河汾蘇湖架履成風式

時令譽運委道崇壘紆仙原維是寔寔峻節開先有昭潛

石



浙江圖書館

奉議大夫河南按察司僉事申^君墓誌銘

劉龍

君諱磐字靖之舉成化甲辰進士授戶部主事轉員外郎
選河南按察僉事奉勅理鳳陽諸路屯田及兵備所隸

廣千里餘軍民雜處不易就約束皇陵守衛尤驕悍不

法有司莫能詰民病之君下車即申戒之以法繩^率弗者蓋

境肅然壽州有廢塘曰豐前代以為利君大修治之物產

甚博民資其生溉田且數千頃壽以沃壤稱陳穎之間曠

邈民遠其州治南北各二百里賦役奔走咸苦之行旅出

其途者往往罹於盜君曰必縣是而后可以狀請于朝

許之遂分陳穎之民立縣曰沈丘居者安而行者便焉歲
餘君以母憂去執喪盡禮服闋遇疾以弘治十四年四月
二十四日卒於家距其生天順五年壽四十一卜是年十
二月二日葬潞城縣石梁里先塋之次君性夙警慧為兒
時即嶄然見頭角隨祖仕於慶陽受業郡人陳君文靖門
書過目輒成誦不忘與之語即領解陳大奇之及祖以老
歸邑人屈君文衡博學人也又從之朝夕游遂通經籍能
於文章故一舉薦於鄉遂舉於禮部取功名如拾芥然其
為主事委督崇文門稅凡貴勢者貨利入悉稅之制未嘗
以私免貴勢者且戒其下曰申戶部不可撓必輸之監象

房草場痛革奸弊吏徒不敢欺民亦無逋負者先時場中
無官舍督者皆屋席止其下君鳩材木起廳事隙地間稱
便于今其督九江鈔事課上視舊有加大著能聲常得司
徒公道稱遂有按察之擢居常念微時葬其祖若叔不能
備禮復卜日改葬易棺以美材且槨之曰庶無憾于心一
叔老無子事之如其所生叔感泣益見君賢遠乎人曾祖
某隱德弗仕祖某陝西慶陽府知事父某以君貴封主事
配馮氏先君卒男一曰可女五長適邑人劉天錫知縣子
英子次適藜城趙某知縣原一孫餘皆幼君之從妹實歸
予叔其友通政叅議李君師孟實速予銘故為之辭曰山

秀而靈水深而清偉人之鄉屯田備兵燁然功名山水之
光維用弗究乃嗇以壽豈天之常我銘泉室勒諸貞石永
世之藏

浙江圖書館

明故浙江按察司僉事致仕進朝列大夫留餘陳先

生墓表

湛若水

於乎斯惟朝列大夫留餘陳先生之墓甘泉子表之留餘
先生之子今大理少鄉達也與甘泉子同年雅也以狀謁
文于甘泉子曰我故唐太尉檄裔也自光州固始從王審
知入閩子令鎔居大義與古靈先生居候官者派也大義
之旌著而顯宋淳祐則有顯謨閣待制湖南安撫使可齊
先生塏惟我祖鈺祖週弗發于仕惟蓄于德乃積乃盈乃
貽于后昆肆生四子叔剛叔茂叔紹叔復叔剛叔紹咸為
御史叔剛改翰林至侍讀叔紹為湖廣按察副使惟我祖

抑齋府君叔復篤生我留餘府君以及于連也賴有先德
之遺庇焉留餘府君夙有抱負不幸五十二而謝事七十
有九而棄養遺孤連也暨太學生進也弟子員遲也慨先
人之墓久未有表欲得先生之文則于前文人有光焉甘
泉子覽狀而喟曰夫表何為者也表名德之表表以遺諸
其后之人以為表焉者也故賢者表其大者不賢者表其
小者吾觀於狀而知留餘公之為賢者矣蓋莫不有可表
其大者有九倫焉曰孝曰慈曰廉曰明曰公曰斷曰剛曰
勞曰正是故終始愛敬之謂孝愛而能勞之謂慈愛受節
介之謂廉知幽察隱之謂明勝私合理之謂公見難決疑

之謂斷守己而不屈之謂剛抑邪扶道之謂正能捍大難
之謂勞吾觀留蘇公之喪抑齋公也盡毀竭哀喪葬以禮
其喪嫡母呂太孺人也如喪抑齋既其暮年矣喪生母王
如喪呂氏心不以老而衰禮不以衰而殺老而病痿矣祭
掃不輿致必誠必敬必盡情焉非終始受敬乎延師儒以教連輩親
點竄其業焉達與從子墀也同舉進士連之推官寧波也
歲遣數十金以助其清曰毋少渝貽若羞矣非所謂愛而
能勞乎公之推潮州也吏以雜進易之及署篆剖尖如流
囹圄為空遷僉憲廣右隕八寨之叛人皆畏避莫之誰何
則謀諸撫鎮叅戎約束思思之強兵以鎮壓之賴以無虞

非決疑之斷乎其在潮州知程鄉蕭千戶之誣人而置之
法辨莊蔡劉二十八人之非通番為之泣爭以解守巡之
惑必生之然後已而守巡不疑卒有生祠像之祀報訟牒
千餘決無滯留吏無售奸人無遁情號曰神明其理兩浙
軍政竭殫心力清積歲不起解者萬戶非所謂知幽察隱
之明乎委編潮揭二邑之均徭也遠近以宜小大以均里
胥不得而高下焉非勝私合理之公乎辨黃氏人命之枉
而峻斥其白金二百之報可不謂辭受節介乎拒泗城土
官奸生子岑節承繼之謀斥其黃金白金之賂而麾思恩
土官之餽不可謂不廉也既以憂去起而僉浙也甫三月

而謝歸鄧巡按是以有清白廉靜之嘉可謂不廉乎在杭
則折張闔鎮守之權勢而不輕闔其門所謂守己不屈者
非耶分巡桂林當獠獠獠之衝斬獲賊首王公獵二百
五十獲右江之獠寇三百閱府江之首級二千七百而無
爽屢受白金絲繒之錫非所謂勞乎條陳政事于孝廟
者八明敬神安民之道歛輟中官靈濟真君換袍之後以
福福氏非所謂抑邪扶道之正乎夫孝以奉先慈以裕後
廉以律身明以照物公以服人斷以集事剛以克亂勞以
効能正以祛惑九者備矣以其大者信其小者雖百行焉
善可知也是故表之表之以為族訓以為時規公諱雋字

文用魏蒙菴晚魏留餘云



浙江圖書館

明故奉議大夫山東按察司僉事城南張公墓誌銘

許宗魯

魯弱冠時見有所謂進士張公者與予季父葉公友善張自寧夏之長安必過從為東道亦以通家視魯張公善草書每乘暇輒為魯作草書至今猶有藏者是後張公贊征蜀再見於長安詔獄得雪復會於京師比數年前復得公手書今乃得其子年書并公狀知公壽考終矣年且以志相託感今思故情何以堪按其門人舉人梁仁狀曰公諱嘉謨字舜卿居城南因以自號其先成都人也高祖才甫任易州知州國初謫戍寧夏曾祖景春祖恕父翼中成化

乙酉鄉試仕終山西岳陽縣知縣母李成化壬辰某月某
日生公於岳陽比有知郡耽嗜筆研書史舉動穎異不類
常兒弱冠為寧夏衛學生員耕讀自力志向遠到乃從故
兵部尚書胡公汝礪授尚書為文奇駿弘治辛酉鄉試中
式明年壬戌中進士錄皆刻其試文為程式時岳陽公夫
婦老壽公乃上書請終養得請歸邑養備至人稱以孝時
乃開門授徒一時英髦多出其講下正德丁卯岳陽公卒
己巳服闋授兵部武選司主事公家食時稔知武選宿弊
事事躬自檢覈吏姦不售選人大快辛未盜起山東侍郎
陸公完督軍平勦公與主事王崇獻皆以才略贊戎務初

官軍之東也日尾賊後行止視賊故賊益猖獗功無所成
公乃獻議陸公謂當出奇以遏其鋒審勢以奪其氣若徒
尾其後是驅賊以自戕也何損於賊何益於民陸公是之
會賊犯維縣陸公以偏師屬公公提師行一日即授兵不
進賊即易公不為意公偵其怠也即夕疾行掩擊大破賊
斬首二千級賊遂奔河南不復犯山東矣是時從征諸將
忌公功竒公復慷慨論談不自秘由是諸作力請回部未
幾陞車駕司員外郎癸酉蜀盜滋橫詔起兵部尚書彭
公澤往征之彭公疏請公與行公告彭公曰蜀地險阻用
兵為難今王師西征賊心震恐勢必不支若順流而下則

荆湖之憂方劇矣公若分兵屬僕由漢中取道以扼夔峽
公以大兵取重慶以蹙賊則成擒矣彭公深然其策後辛
奏功如公策凱旋陞山東按察司僉事兵備濟寧酬蜀功
也已而沂州礦盜竊發宗藩弗戢撫臣疏奏移公兵備
沂州公持法厲禁無避忌由是忤觸藩邸赴愬于朝
丙子冬逮公下詔獄在獄數月乃得白然竟由此罷去
公既歸退居城南別業事親教子授徒力田如素士益二
十年不移初志尋以子功封公為懷遠將軍某官嘉靖癸
巳公偶為詩書屏間云年來慵懶謝交游只接盧醫扁鵲
流又云可歎明朝更分手短橋新柳兩聲多人見之頗訝

其無謂不數日卧病甫七日即不起蓋十月廿一日也凡
得壽六十又二平生好書學篆隸行草各得其妙詩文敏
捷亦成一家之言所著雲巖集西行稿藏于家公配耿氏
封宜人副室朱氏二子伯曰年英勇超逸累以首功歷官
都指揮充石叅將分守寧夏東路耿所出仲曰斗女一曰
月朱所出孫男子二曰麟曰端以某年某月某日葬於某
所銘曰龍馬翩翩出于河堧騰躍如奮于天衢中路而
蹶達人所喟壽其精神以發後人文謨武烈奕奕燁燁鍾
鼎旂常百世之光



浙江圖書館

明故奉議大夫山東等處提刑按察司僉事致仕李
君墓志銘

王九思

予同君為舉子三走禮部其後在翰林君為御史居同巷
予罷壽州取道河南是時君在留陳冒暑走五十里會予
朱仙鎮又十年君亦致仕歸蓋數會焉嘉靖丁亥秋八月
予過興平見其容稍損問之乃微告予曰近忽嘔血即止
覺少差矣予執其手曰老且至其善自持然亦以為無患
也未幾報君捐館舍矣予始未之信尋知竟以嘔血至此
嗚呼悲哉蓋是年冬十一月二十五日也距生天順癸未
十月十二日壽六十五歲卜以明年戊子冬十一月二十

二日于城南新塋啓其配孺人之兆與合塋孺人之塋也
予為銘至是次子時華復述君世行以請嗚呼予何忍而
不銘君也君諱紀字組之興平人也少年神骨清曩入為
學官弟子受尚書不數年學成舉成化丙午鄉試年二十
四矣其後五走禮部竟不第弘治壬戌以父母老于是不
得已謁選為鹿邑知縣鹿邑城復于隍又盜賊橫起竊府
庫劫掠富民徃徃有之君至不兩月先為築城城完乃下
令捕盜乃均徭役撫寒餓勸農桑理獄久之民安盜由此
息矣乃飭學校課諸生彬彬然考德問業克乎其有得焉
久之教化行民俗成歌頌興矣于是撫按及藩臬諸公咸

謂邑小不盡其才奏移祥符乃鹿邑之民亦北走乞留未
及至而命下矣啓行之日民無老幼貴賤爭走攀送有泣
下者然自壬戌抵甲子涖政財兩年耳而民仰慕之深至
于正德已巳猶磨石書其德政為去思之碑焉君至祥符
人見前令無能保終者咸為君憲蓋縣附藩省今日跨馬
受約束于所轄少不可即訶叱甚則鞭朴之又送往迎來
飲食帶失節至于獄訟租賦之事暮夜始據案舉燭了理
漏下三二鼓以為常此非大有氣鮮不仆者君子是先其
大者急者職事當為者種種有緒矣掃門一錢不入久之
猶夫夾約束也所轄者從而禮貌之加舉薦焉猶夫送往

迎來也飲食以時猶夫暮夜了理公事也多暇與賢士大
夫飲射之若是者三年會武宗新即位君亦政成于是元
上考課既歸之明年丁卯召入為雲道監察御史戊辰春
巡視通州諸倉未幾以父喪歸庚午闕瑾事敗君以同鄉
井左遷知縣大學士野亭劉公陳留人也雅重君請于吏
部得陳留云是時諸郡盜起守令多棄城走獨陳留以君
完今少保幸庵彭公總制兵馬奏君治行為河南第一在
陳留三年而癸酉秋擢寧海知州在海寧一年化頑民擒
巨盜威惠流海濱矣撫按諸公又以郡小才不克盡奏移
臨清臨清南北要衝送迎無虛日又鎮守太監兵備副使

開厥諸主事供億繁費且盜賊後居民凋敝處之亦甚難也乃以委君君出自祥符以其監根錯節之餘舉手揮之即迎刃而解聲稱籍甚吏部兩以僉事擬君不果踰三年丙子以母喪歸喪畢稍遷前軍都督府經歷一年擢山東按察僉事奉勅提督畿內屯田其地多權貴侵漁小民君不顧一切繩之以法乃嘉靖壬午竟由此起謗君乃投劾不待報徑歸予每會君見其為樂甚歡以為期願可得也不意其至此嗚呼悲哉君自曾祖彥才祖英文壽家世為農至君以文學興在祥符績最得勅封其父文林郎祥符知縣母繼母兩張孺人及配康孺人皆贈封焉康孺人生

四男子時芳秦王典膳時章太學生時茂時蔚俱縣學生
時茂先卒一女適郭瑞君尚有側室張氏生男子時為時
蔭又有孫男三人女五人君入為御史時瑾尚未顯用事
甫一年而君以憂歸予知之固未與識也比瑾敗咸謂君
無故乃一御史祥符人為舉子時君甚愛之乃號于衆曰
如李某興平字破不得遂有陳留之役然未久而御史者
帶酒不四十死無後而君蹤跡明官至大夫壽享古稀子
孫勃然興焉天道果何如也此亦足為妄言者之戒銘曰
巷伯有言彼讚人者亦已大甚有如李民婦索其身亦懼
于讚彼倉者天矜此勞人蹟而復伸有德有年有子有孫

其樂孔殷既飫而終耒即玄宮銘以無窮



浙江圖書館



浙江圖書館

明故廣東按察司僉事潘君宗節墓誌銘

甘泉子曰偉哉團山潘子之為人也正德乙亥予

翰林啣恤南歸聞團山子僉泉事政行卓卓官不滿歲拜
疏拂衣而去士人猶傳其風流不絕予以不及見為憾後
十年予司成南雍開觀光館以延來學者而團山之子子
嘉首來問聖賢之學遂得其門以入予因得屬望焉豈非
神交之感應和團山名矰字宗節祖御史岳廬之六安人
成童侍父布政稍入京冠帶養疾及弱冠而娶甫四十日
堅請侍父以往防蜀道之險三歲而後反舉丙辰進士戶
滿城以父憂去哀毀如柴事繼母許如生母王疾必親珍

必獻肇祀立春忌祭惟謹吁嗟其孝乎再尹于滑猶其在
滿也去滿束裝不及一車被徵而去滑或私贖金二百峻
辭却之民立石以識焉吁嗟其廉乎治滿去厲政愷悌子
育民視之如父母化巨猾而不殺其初蒞滑斷滯獄理逋
賦解禁剔蠹疏導如川民爭輸租化奸為良冊胥呈嬰遂
以釐正吁嗟其惠乎拜為四川道監察御史首論四事審
大勢權時宜重將權倡士氣劾閹宦高鳳蔭姪侍從之非
而斥其罪勞軍遼陽公而有威邊將斂手上備邊五策酌
成守憫戍卒處備用戍未然革科歛及以許夫人老乞改
南道就養送瑾作威矯制削籍下詔黨惡誣罪罰粟鬻產

供命唯恐或後罔有怨悔吁嗟其忠乎詔復冠帶起授食
事蒞于廣臬持法平恕人以不寬楊丞見黜心服感泣黃
尹遺金自咎不德弗暴尹罪以自章黃為慙謝吁嗟其厚
乎廣徭為患諸司首鼠君奮兵直前夜擣其穴不遺一矢
吁嗟其勇乎常氏兄弟爭財不決開喻義利自相引伏吁
嗟其信乎年踰五十上疏請老銓司慰留再章而去不待
報命吁嗟其恬退乎談聖賢之道如啖飴蜜學有源委不
事枝葉以古人之學惟在此心今外心為學故汗漫無歸
吁嗟其知要矣乎其篤乃志以燕翼子也乎事詳顧東橋
庶憲璘狀文在團山集卒正德庚辰八月廿八日年五十

有六墓于望江之原提學御史蕭君鳴鳳因諸生之請升
其神于鄉賢祠配單氏封孺人繼黃氏男二曰子嘉子壽
女四人銘曰惟祖子孫三世御史岳不遷官積至轄使而
大顯于園山子蓋君子有至顯而官爵不與焉寔為道學
起家之始生不及六十秩不過五品而九德咸詣備具人
道之紀以貽厥嗣

河南按察司僉事江公墓誌銘

胡世寧撰

君諱暉字景孚姓江氏家世尚書東川公諱瀾列傳倫矣
惟東川暨太夫人王偕以名家子懋育多才府尹景熙其
仲君次之中書景晦其季也君生弘治乙卯六月十有三
日自幼丰神卓異資性不凡讀書過目能誦早受春秋於
府尹公稍長即知自力于學年十五宅東川公憂哀毀如
禮正德丙子領鄉薦丁卯第進士選入翰林為庶吉士先
是東川公起家翰林府尹公春試第四君皆符之故時謂
父子翰林兄弟會魁以為異而君自視歛然益加檢飭謙

厚恂恂如也君初娶來氏憲長伯韶公女夙閑內則未幾
卒于家當道大臣歆繼以都察院經歷錢岌岌時通族
錢寧出入諸權貴衆莫敢忤君以非偶峻辭烏士論歸重
君後娶朱氏東陵僉憲公女克閑婦道君尤宜之己卯春
毅皇帝將南狩君偕同館舒芬輩首疏諫止群疏繼進上
怒偕授大扶君絕渡蘇自是有痰眩之疾至秋當授編脩
以內降罪言例出知廣德州君嘆曰是豈不足展耶州本
僻壤不隸省府豪猾素淫縱莫敢治初意君少年純綺出
自館職不屑吏治君究心民瘼如疾在躬廉諸巨惡悉置
之理時權奸用事豪惡得因緣為梗而君以廉正剛毅處

之不撓有大姓讐競數年官司不能平亂且起君徐誨諭
一言而解其他利民之政尤多在州二載今上登極復受
君編修州民建生祠祭烏越六載為立去思碑憲副呂君
盛紀其實云君平徭息訟取力于隙而不廢興殖財于儉
而民用足約俗于正而異端誣不坐乘食不二味又言萬
乘駐蹕南都數月其供意悉自公出而不以煩民民於災
傷困踣中得此一蘇尤為感激君在翰林預纂修毅皇帝
實錄同考禮部舉人乙酉實錄成進脩撰賜白金文幣丙
戌選充經筵展書官丁亥冬上用議者言簡侍從出更民
事當道以君文不隨俗且信忌者言君昔治郡過嚴才堪

禦侮乃奏試君河南按察司僉事整飭潁州兵備將行一
夕忽中痰疾寢不能起景晦排牖入亟療之僅免當道聞
而甚惜之遂得請罷政許病痊之日起用時例外官致仕
不復起此實異數云君既歸抗杜門謝客絕跡公府日惟
孝事大夫人聚群從子弟而教之暇則讀書窮理悠然自
得若將終身焉己丑冬冬朱孺人忽以產卒君性厚于人
倫既喪二偶不勝痛悼不欲再娶而以無子擇立堂弟昉
次子為嗣令服朱孺人喪改名盤君自是蕭然一室忽忽
不樂今歲庚寅五月二十一日夜寢痰疾作遂卒年僅三
十有六君天資精敏制行修潔性縝密有矩度事必審思

而行然遇義奮為不避仇怨亦以此齟齬于時其初入館
矯近世文體卑近貌志學古奧義警牙人不易曉用是不
諧于俗其晚作漸就明暢潛心理學不專務文藝人或未
知也每欲大有刪述而歲月未及所著有亶爰子集藏于
家亶爰其自號云識者謂君雅負經世志學術甚正數歷
憂患志節靡渝誠為卓絕之資大受之噐也未歿前數月
有司以君既病痊例當奏起而臺臣有按他部者已疏上
矣使天假其年而授之柄其所建立胡可量哉誠可為天
下惜也

浙
江
書
館



浙 江 圖 書 館

江西等處提刑按察司僉事紫峰陳公傳

琛

晉江王慎中撰

嗚呼士蔽於場屋之業而固陋浮淺措其心腑專一經以自業茫烏皓首尚不能通其義以傳於繩尺之文又烏知所謂聖人之學哉宿輩末士相尋以蔽自虛齋蔡先生出乃始融釋群疑張王新意推明理性於字析句議之間以與前儒相統承夫所謂聖人之學者其駢拇於條畫枝指於解訓要以詳夫場屋之業而其意則進乎此矣虛齋之學方顯士猶鮮能習其傳而紫峰陳先生稍後自以其意為前儒未文公之學未嘗聞虛齋之說也一日虛齋得其文

於故長史李木齋公所。嗟異久之。李曰：此吾徒也。虛齋
瞿然曰：吾乃得此人為友足矣。不敢為之師也。於是先生
乃介李公廩學於虛齋。虛齋曰：吾所為發憤沉潛辛苦而
僅得者以語人常不鮮不意子皆已自得之。今且盡以付
子矣。於是講為師弟子。虛齋得先生而其學益尊。蓋虛齋
有託於先生而先生無所恃於虛齋也。先生之書布於四
方家而有之學者治經求通於朱氏微先生之書如瞽者
夫相從禽無虞。張張然不知所如。往士之專精自名所業
以授生徒者往往為書其卑者望先生之外藩而不見其
門其高者不能以有加也。故其為書矜名立蹄何啻千百

皆滅沒蔽小行而不廣暫請而輒廢惟先生之書焯乎昭
布大行而久存雖與世相弊可也今書四所板四書淺說
易經通典是也嗚呼可謂盛矣先生姓陳名琛字思獻別
號紫峰學者稱為紫峰先生正德丁丑進士始授刑部主
事乞為南京戶部以便養轉南京吏部考功請告家居就
家居為貴州按察僉事調江西僉事皆督學政並辭不赴
考功督學皆美官假令細翔不去與牽挽而出又當有美
於是者窮階峻秩當世有用人之柄者急欲得先生畀之
以自詭得賢之名先生乃勇退而堅卧無幾微遲回顧望
意世竟不得而榮之蓋為母太安人之養也篤於天性而

不見有可懷之爵祿由其大以推其細則先生之學著於
書者非苟能於言而已矣家居却掃一室俯仰其間察見
消長於草木葩卉榮悴開落之際景象委蛇與物共得一
枝一葉照映闡楹人所同視而先生茂對之趣獨矣時放
於出硯水涯魚樵相問或蚩緣原濕農圃滯談彼各自為
話言先生觀取感倡默有所樂不問其解否也絕跡公門
監司郡邑諸大夫冀睹其面為快注意傾下先生折簡相
報或報以一詠而已亦不盡報也其有報不報惟意所到
不視名勢崇方禮數隆汙為度量也由先生之大推之既
無可懷之爵祿又烏有可羨之勢利可畏之毀譽而舒心

綽形以遊於世宜其浩然自適而一無所累也先生
在仕不久事功無所表見為刑部好在主人不喜於
得情為戶部謹於利邈不以自汙此皆抵行植節之
事士所能不足以論先生之大也昔由求言志千乘
之國方六七十里之邦自課其用所以使民有勇而
能足者可計歲而見效何其確也若夫及春而制洽
與六七童子五六成人為侶望沂而浴見雩而風此
何為者然孔子喟然而深與者乃不在彼而在此其
意可知也以先生之高使與曾點並時而在同門而
學則鏗然舍瑟之曾點必不異撰於先生而喟然之

嘆先生宜越由求而見賞矣始丁丑榜得士吾郡最
有名給事史筍江公于光今僉事林次厓公希元中
丞張淨峰公岳與先生並以經學為海內巨工張公
尤號為閎博而傑於文給事公談於仕進與先生同
趨好滯一官以卒僉事公喜事功齟齬於世迭起迭
仆卒無所就中公方據融顯事功為一時絕出然林
公悔其顛躓張公亦以酬俗成務為多憂而恨道之
難行未賞不高先生之決而慕其清也慎中生最晚
猶及侍言於給事公林公張公皆辱俯與為友忘其
年輩之後也謬學幸駁與二公有所往反二公不以

為事是予猶謬自信且不揣而思有以易二公也獨
不及事先生而請其說然以二公推之知其不為是
而予亦宜無以易先生也然而知先生之心而能言
之者慎中則不敢讓也先生之書其天趣極詣神機
妙契在於言語文義之外而已至於言語文義之所
存字謹其訓何詳其義顯名一門粥粥然如恐涉他
足而誤塗徑固與治場屋者設為如是耳其超然心
會離去形跡而遺忘物累庶幾所謂不技業於道而
全其真者由是以推先生之大然則論先生者不徒
有考於其書者尚當以有求先生也與如是則小子

雖不及請於先生而傳先生之學以明於人固其宜也



浙江圖書館

江西提學僉事汪公墓誌銘

諸大綬撰

公諱應軫字子宿山陰人也生有異稟風格秀朗弱冠補
郡庠生慨然以范希文自期取學齋廩餼周宗黨之鰥寡
無告者丙子領鄉薦丁丑會試第二人改庶吉士讀中秘
書不入權貴門大學士毛公紀采時譽歆一見之終不往
已卯武廟將南巡公抗言陛下有南巡之意臣民榜惶莫
有固志倘不即收成命竟歆出狩將至於變起不測禍生
不虞有不可以言悉者疏入留中不報渡與同館舒公芬
等七人上疏懇留有旨跪門廷杖瀕死館事峻擬公戶科

給事中在譴例詔外補出知泗州泗為祖陵禁地役煩而
土瘠民情弗知農桑公至首勸之耕買桑而植之募桑婦
教之蚕事至於今猶知隴畝蚕桑之業皆公之賜也武宗
南巡郵卒馳報駕至他邑傍惶勾攝為具民至塞戶且逃
匿公獨凝然弗動或詢其故公曰駕來未有期而倉卒措
辦科派四出吏胥易為奸倘費集而駕不果至將柰何時
中使絡繹道路恣為求索公率壯士百餘人列舟次呼聲
震地中使沮喪公麾從人速牽舟行頃刻百里遂出泗境
後有至者方歛戢不敢肆而公復禮遇之於是皆咎前使
而深德公駕至南都中使矯詔令泗州進美人善歌吹者

數十人公奏泗州婦女荒陋且明多流亡無以應勅旨臣
向募桑婦十餘人倘蒙納之宮中俾受蚕事實于治化有
裨焉事遂寢今上登極召復舊職去泗之日行李蕭然父
老送者皆泣下立祠建碑紀其去後思巡按甯公欽薦剡
有為政以孝弟為先民以農桑為本水清月白萬口一詞
之語既入諫垣感知遇恩思自效首論選后朝儀二事發
端始謹微義甚至給事中梁本茂御史汪淵以言事罰俸
公上疏乞恕言官開言路踰數月廷議以公在館中協舒
修撰芬夏考功良勝萬儀制潮倡率諸官連疏乞留車駕
為一時忠良宜隆恩數以優之詔陞俸一級公疏懇辭願

以補之言官之罰俸者雖不得請識者壯之時有奏王守
仁報捷失實爵賞大過宜當追奪公上疏申辯謗忌者稍
息刑部尚書林公俊以執法忤旨去位公上疏請留居諫
垣一歲中連上三十餘疏語多不載具載於青湖文集公
念親老乏侍奏乞改南以便迎養從之比至留都永嘉張
公孚敬安仁桂公萼同官南部方講大禮雅知公名欲倚
以為助議不合即上疏請遵典禮崇正統以安人心公既
言孝惠太后發引不當由正門至是復有此疏以此幾獲
罪而張桂並大用出為江西僉事執法甚嚴不為貴勢撓
乃其存心平恕遇死囚惻怛哀矜多所平反然鯁介不能

徇人會與巡撫忤敕吏部容致仕未報抵家築小亭扁曰
樂遂言思養遂而樂也巡按江西御史徐公岱疏公文行
名于天下忠孝尤為著聞居官氣節時望攸歸久之臺諫
交章謂不宜寘公閑散朝廷復以原官勅公視學江西既
蒞事其條教一本諸躬行諸士皆信向今大學士徐公繼
其後用公科條無改為居無何聞封君有微疾托校士上
饒圖歸計至則訃聞匍匐歸晝夜號泣執喪如礼服闋臺
諫相繼論薦朝廷將起公命未下而卒鄉人議白於當道
奉主_公於鄉賢祠祀之學私謚為清憲先生郡侯南大言
知公清而貧一日獲豪民石天祿將論死令其求公東則

從末減石氏以千金丐命公斥絕不許南侯擬築禹廟山隴墻延袤十里民皆驚愕公致書于侯曰論禹平成之功以一方財力為陵不以為泰若推其心茅茨土階而尽力乎溝洫豈忍以民山為周垣乎侯聞言而止長沙太守季本著公傳謂公立心願學范文正而又願兼善美文章師韓退之詩師杜子美誠慤師司馬君實豪邁師邵堯夫峭至師包希仁廉潔師趙閱道政治師晏平叔蹇諤師陳堯中孝養師尹彥明閑恬師林君復其飲酒怡曠亦慕陶淵明而師之蓋取法于古而成其好不污者也遠近以為確論嗚呼若公者非世之所謂完人耶愚讀昭代名臣列傳

旁讀諸奏議以公之言行而次之以簡編將無同乎世必有許之者



浙江圖書館



浙江圖書館

前陝西按察司僉事舜澤張先生墓誌銘

嘉靖辛卯五月望舜澤張先生終于寢子宗明寺謀以九月一日葬于伊侯先一月仲宗子儒耒後渠問銘於乎先生果終矣夫明興造士用經純哉懿矣士鮮服行惟用致宦高才逸志斯修詞業乃至矩唐汚人之詩先生幼有遠志自經而下程氏朱氏是宗俸餘皆置圖書累數千卷嘗曰稱理制事各適當然是謂明經理云理云空滯云乎哉經云經云口耳云乎哉先生行方貌莊言論侃侃必信已直一介弗撓登弘治丙辰進士出知尉氏改宜陽課農興學旌良耻否流亡者還健訟者息入內臺為御史逆瑾啣其

直罔以罪卒無驗止晉河南僉事提學閣奴廖鵬陷之改
陝西河外收糧都御史張某貪而愎先生及御史成文裁
以法制某不堪誣讖先生於總制總制聞于

朝有旨覈驗某卽實以上再命官鞠之某大用賄下先生
于詔獄凡三年臺臣數論列誣乃明是時內閣公素嫉天
下名士輕已翻右某坐先生不遜除名嘉靖初起用屈滯
併有讐先生者在當路沮之成公再起為副都御史矣先
生屏居山中讀書談道考訂古義得失正德間士厭明
文沿宋靡泛之習欲振起之乃宗秦漢之作左氏大興先
生弗是也曰是書貞妄錯互而妄者倍焉苟說詞逆趨經

學將晦自六經四書程氏朱氏外無用師焉已耳先生諱
璉字伯純山西澤州人曾祖斌斌生瑜瑜生先生考君廣
用先生貴封知縣成化丙戌五月十六日先生生于夏莊
取劉氏再取宋氏宗儒有少弟曰宗文女二壻李希夔崔
弟孫三男四女先生著書曰遠言曰舜澤記曰文集總若
千卷宗明舉鄉試宗儒州學生皆才而慕古其能衍先生
之澤哉銘曰維儒醇忌維吏循忌維身貧忌維道信忌

崔銑撰

浙江圖書館



浙江圖書館

湖廣等處提刑按察司僉事丹泉楊公墓誌銘

邑人許應元撰

揚君諱祐字汝承一字晉卿世為蘭谿揚塘著姓曾祖永
政徙嚴之建德祖莆田丞大昇再徙錢塘於是為錢塘人
父象明易學為錢塘學生已而棄去教授閭里間夫人即
氏是生君君生六歲能為詩歌十歲受父易學十七補縣
學生十九當嘉靖元年領浙江鄉貢入京師道鄒魯之虛
過稷下周遊勳碣之間登郭隗之臺慷慨悲懷有統攝千
古之意已而罷歸治一室河壖散列群籍流覽其中而專
覃思於經術於是君之學益深博矣八年登進士第試月

初生賦天育驃騎歌改翰林庶吉士明年除知興國州考
薦輒最入為刑部員外郎遇謗出知濮州稍遷濟南府同
知十八年擢江西按察司僉事復以謗待次家居歲餘調
補按察司僉二十二年七月十日年四十暴疾卒於官先
是江西巡撫今司徒王公薦君文行卓犖宜令學官當
有以風厲人士其後湘廣部使者又薦君器用堪矣備皆
報聞又卒士大夫交相弔曰嗟乎揚子在何不可為者今
已矣初弘治間海內淳耀縉紳先生翕然興於學厭時俗
頽翫踣厲振迅務撫先秦西京之畫而絀唐宋當是時北
地孝獻吉尚型范而信陽何仲默貴幼眇號稱復古天下

嚮風馬大江以南文章奧區也於抗則故翰林脩撰江君
景季參議吳君克新及君先後崛起雄視中土君初與計
吏上京師也吳君嘗論叙送之以為賈生明固體而匡衡
推經術紹嘉哲軌其在揚生君亦獨喜自負為文章奔放
凌轢若馳車九折之坂而河決金堤莫之禦也其議論雄
辯勇決颺起泉涌卒然聞之駭汗愕視至公才用更自天
性他人縮衄已獨奮前銅發穎腕旁不見曹五然終以此
見忌疾群擠偶培蹶益騰距豈非琦瑋卓詭不群之士哉
君嘗自詭任官居職無以愈人使得當一校之任率先士
大夫能使人趨死不顧棄邊守塞雖不敢徼一旦功然虜

不足畏也時時以謂余嗚呼今則死矣借令無死其所自
樹將不與古所稱豪傑者並驅乎雖死遭尤被謗退處岩
穴固當托志儒雅成一家之言附於作者之後而今之所
著白特其至微淺者耳君在兩州皆有惠愛民思而碑之
其在荆楚尤得士民心君卒即為祠以祀所著有端居興
國西曹郵城濟南西江湖上荆南諸集余歆為會粹成書
未果也君所至學士輒從以講業晚蓋稱丹泉先生云宜
人許氏余再從姊也從祖刑部府君之孫族父邛州府君
仲女端靜婉順能通知古賢婦人事年十八歸於君事夫
人相夫子皆有儀法凡歸楊氏二十年如一日內外稱懿

無間一辭年三十九先君一日卒生二男子曰春先春元
三女子一適餘杭學生徐凱一許聘吏部主事張君子某
一許聘刑部主事王君子某始君夫婦相繼卒諸子女皆
幼纍纍持二喪歸父母老未克葬今二十四年正月母氏
又卒君之父即以是年某月某日合葬君夫婦某山之陽
謂余與君至深命以銘銘曰生之無故其曷媿早之謂有
以生孰嶸嶸以傾現辭琅琅光何離崇宮擊鮮暝何如醒
然白首稱齒犀曷不監是超若遺下何雙宮上并隼骨肉
歸是曷之曷不駮虬躡虬霓浮游紫庭返故棲居曷不聞
我心悲



浙江圖書館

廣西等處提刑按察司僉事胥臺袁公墓誌銘

靖五年進士

長州文徵明撰

吾友袁公永之以高明卓越之才精深宏博之學而輔以
較軫奮迅之氣自其少時已不肯碌碌後人既起高科登
臚仕視天下事無不可為而砥節履方不歆附麗匪人首
忤權臣幾陷不測賴天子仁聖得不擯棄浮湛中外垂二
十年再起再廢迄骫骳以死嗚呼傷哉其命也夫君諱襄
字永之別號胥臺山人世吳人高祖以寧魯祖琮祖敬考
封承德郎刑部主事諱鼎母安人葛氏袁氏自高魯而下
世以氣義長雄其鄉而未有顯者至君昆弟數人藻發競

秀空起閭閻聲生勢長隱然為文獻之族君於群從中最
少而竒穎異常五齡知書七歲賦詩有竒語十五試應
天再試再不利憤曰吾所志何如顧為塲屋所困耶益淬
礪精進剌經質義務究底極嘉靖乙酉遂以第一人薦
試禮部亦在高等一時聲名碩動京邑入對大庭摘行揚
擢上下數千言出入經史詞旨宏達時權臣方薦為學士
得君卷竒之執款冠多士在廷諸公惡其攬權故抑置二
甲第一及啓封見君名乃悔不用其言而權臣則喜於得
君他日詣君叙致本末自謂君知己而君不對亦不謝權
臣大懟御之然無以弑也及君為庶吉士而其人已入閣

親幸用事遂上言諸庶吉士跣弛靡薄不宜在禁近悉罷
為庶僚怒猶未已乃起兵部之獄初兵部失火君為武選
主事適當徼巡在法徼巡失警當調官獄吏承風旨掠立
文致劾君縱火為奸利鍛鍊久之獄解同官皆調遣君獨
編戊湖州千戶所會赦免歸權臣死稍起為南京武選主
事歷職方員外郎擢廣西提學僉事致仕歸卒年僅四十
有六始君自翰林出為刑部主事即思明法以達於政謹
推讞審法比所當必允為尚書胡端敏公所知簡蒞本科
君析律詳明剴裁敏利而將以誠勤案無屈牘有詔以京
朝官考各省鄉試君被命主試河南較閱精審去取攸當

時稱得士尋奉使決獄淮揚還朝政司武選武選所職有
銓選有勲祿有貼黃及諸委瑣故號劇司而貼黃尤多敝
事居督併嚴密閔決明審吏不得並緣為奸展采錯事方
將有為會獄事起而君去國矣在南部適當考選軍政尚
書熊公特委重君君杜請託審賢否考核縮正一於至公
人服其明廣西在嶺傲之外夷獠雜處文教久弛君不鄙
夷其人教詔諄切示之矩範而率之以身程以科條崇雅
黜浮矜其不逮薄懲而廣錄以誘進百粵之士士方安其
化而君勸遊矣君性樂閒曠謫居吳興日與高人逸士探
竒選勝登涉遊行悠然自適及歸築室橫塘之上據湖山

之勝縱浪其間有終焉之志雖暫起守官而寤寐林壑未
始少忘篤志問學群經子史無所不窺為文必先秦兩漢
為法樂府師漢魏賦宗屈賈古律書出入唐宋見諸論撰
莫不合作所著文集二十卷皇明獻二十卷吳中先生賢
傳十卷世緯及歲時記及周禮直解總若干卷始君雅志
用世及事與心違時移身遠乃肆意於此以洩其所蘊爾
觀世緯所著皆鑿鑿乎經世之論其官宗遴傳與夫矩偽
諸篇寔惟時敵惜不得少見於事而徒托之空言可慨
也已君濶達高朗議論英發能便以博勝人人莫能屈然
實無他勝志同氣合即傾倒無間故知君者莫不賢愛之

而卒不能勝夫嫉之者之衆也君生弘治壬戌十月二十
六日卒嘉靖丁未六月十有三日配馬氏封安人繼文氏
子男一人尊尼癸卯貢士女三人適王子恭殷邦柱徐欽
葵以卒之後四年辛亥十月十日墓在南橫山全家塋之
原銘曰侃侃袁君維時之碩履道含弘抱真翼德爰起高
科式揚用聲載緝用明奕其邦禎維邦之禎帛為道屈矧
伊匪人胡彼之恤豈無榮途有命在天寧王之數匪瓦斯
全陷則有寤守則有正孰其生之天王明聖侃侃袁君守
貞用恒弗利攸証身否道亨亨如之何有言則立言立名
存有永無泐

浙江按察司僉事皇甫君墓誌銘

文徵明

僉事皇甫君子安既解浙臬還長洲未及赴調而夫人卒
摧毀得疾甫三月亦卒嗚呼傷哉君舉壬辰進士官禮部
以文學為當道所知會東宮肇建遂用為春坊司直論

者以為得人而餘人意忌顧已媒孽其間未幾補外自是
浮沉外寮者累年再起再僨卒骯髒以沒嗚呼自古文學
之士徃徃不得志於時其侈嚴擅名固造物者所忌然而
一時秉銓之人不得不受其咎也君諱濬字子安裔出宋
戴公以字為氏世望安定趙宋時有為提刑者扈高宗南
渡居吳城孔聖里占數為長洲人六世祖斌死張士誠之

難斌一再傳通君之曾大父也大父信以文學起家為太

學生未仕而卒父諱錄丙辰進士仕終順慶知府母夫人

黃氏生君兄弟四人君其仲也黃夫人夢人授巨鼎而生

詔秀異嘗能言即解誦書占對敏給異於常人稍長績學

綴文遂有名世之志及選入郡學為諸生益事博綜兄弟

自相師友揚擢探竟務求抵極摠詞發藻迥出輩流未數

年相繼舉於鄉而君與二弟遂收甲科聲名文學之盛三

吳之士鮮其儷者而君不以自異益思振植操廉服勤憫

煦自守不與時流逐人亦莫敢與狎初授工部虞衡司

主事尋改禮部精膳司再改儀制進負外郎陞主客司郎

中主客職蕃夷朝貢凡餼館務徒與比貢篚之屬往來之儀皆主客領之故時曹司怠緩稽留使人經歲傳食供億浩穰君奏報以時不踰旬浹靡密上下斟酌度維宜視曩時損費什伍柔顏內屬歲有賞賚發內帑故多穢濫君以其捍邊有功非他濫恩比言於主者俾精擇以給被賜者莫不懽感以去車駕南巡諸夷留京師慮有窺伺悉屏之徼外時稱其遠識君自虞衡至主客凡歷四署所在職辦以上當君心遂為諸公大臣所簡注春坊之擢蓋緣於此車駕之行君先已註籍扈從會改官不果行駕次承天按籍推賞而君不在有司乘間劾君失事而實非也

坐是左遷廣平府通判踰年召為南京刑部主事未任丁
父憂服闋還朝復補南京主事刑部進員外郎尋陞浙江
按察司僉事分蒞浙東所蒞天台寧紹諸郡民恃而狡饗
詖喜訐最為煩劇君所至懲飭綜核周密擿伏若神而裁
決敏利案無留牘恤隱崇賢納之仁軌甫三月而宿蠹為
清管内振肅以其暇逸覽觀山川發為篇詠委蛇張施文
治燦然譽聞方達而南遷考覈惟視一時實履以為黜陟
近時乃有既徙官而徵其舊事者因得以其私意中傷之
然非顯惡大慙亦不敢公肆詆毀君初輔曹未及上再任
亦無幾時竟以勝任推擢曾未數月而以不職論黜嗚呼

群耳目何可塗也君沉靜寡與自負高峻人苟不當其意
終日相對默無一語居官任事砥厲操切不肯脂韋取容
既多忤物又稍稍與時異故愛之者雖深而卒不能勝夫
疾之者之衆也雅性閒靖慕玄晏先生所為自號少玄子
作續高士傳以著志居常問學之外他無所事群經子史
莫不貫綜而酷喜左氏著春秋書法紀原選唐文粹粹為
文必古人為師自兩漢而下咸有所擇見諸論撰居然合
作詩尤沉蔚偉麗早歲規倣初唐旋入魏晉晚益玄造鑄
詞命意直欲窺曹劉之奧而及之惜乎未見其止也沒後
其兄子俊集所作為皇甫少玄集云君生弘治丁巳六月

日卒嘉靖丙午三月九日享年五十配劉氏後居一月

卒子男二人長秦郡學生娶王氏次栳聘金氏女三人長

適國子生王大猷次適太倉州學生陸鳴陽又次適郡學

生吳尚儉孫女二人卒之歲十二月十又三日葬虎丘新

阡於是子俊手具事狀率其二子詣余乞銘余何足以銘

君哉辭不獲為序次如此系之銘曰嗟皇甫君維時才

彥天實生之亦既有裕爰賓于王式揚用昭胡豐其受而

阨其遭秩秩即曹五禮云職貞德允文迺言有克維文之

克維德之載實德升聞有簡斯在青宮蘭省舍官孰宜譽

者在 前毀者隨之誰毀誰譽君則有命命也自天弗損厥

聞嗟皇甫君靖共維秉豈無遺榮降年帝永帝永其世式
宣宣其言後有虞卿尚鑒吾玄

浙江圖書館



浙 江 圖 書 館

廣東等處提刑按察司僉事贈太僕寺少卿東華王

公墓誌銘

德

吉水羅洪先撰

天其有意斯世乎必生任事之人維持而倡作之生平所
期率汲汲於吾身是非利害之外幸而學為斯聖賢其歸
也不然意氣激發尤當雄偉豪強振越一世而天下治亂
恒必賴之吾嘗持以定士品而莫有信其然者往年嘗晤
東華王子袞御醫所當是時王子為進士年終弱冠色潔
白若冰雪竟日不一接語後十四年王子棄廣東兵備僉
事東歸余慨然身相許為語在兵科募兵山東曲折與兵
備嶺南諸事甚悉其後數以書問又三年為丙辰倭擾

海上漸入温官府熟視不知計王子主族議諫鄉兵待之其
年十月倭渡南溪入蒲州殲之於上金斬首十有六擒十
四人拔其脇虜八十人還之鄉明年復殲于梅頭斬七首
身是倭畏永嘉場不敢犯永嘉場王子之所居也戊午四
月六日倭至梅頭王子伯祖散官沛死之王子憤曰所不
能戮力復沛讎者有如此海次日斬二首擒七人而他酋
數千方圍樂清十四日王子納其家即城十九日兵備素
君祖庚來告急遂移袁寧村以便策應其日叅將張鉞未
附是時倭圍即甚急袁請援以張並進王子許之凌晨簡
輒斂從間道往日晏伏起金舉遂遇害當變作時手猶射

殺數人張兵相視甚適無一捩者倭以鄉兵少之不知為
王子也總督胡公宗憲上死事于朝詔贈太僕寺少卿立
祠郡城廕子世襲百戶已而當道聞狀為之黜袁罪張以
伸王子則何及矣嗚呼當王子為兵科為兵憲以兵死死
職也今死温何哉夫金不彈雀尸不代庖此易知也出門
及顧誰則無情且儒者之論多主委任權力而敵愾弭亂
率諉武人即任職者猶且以此藉口彼肯營其所不及乎
士大夫居鄉恭養驕惰臨事則高拱緩頰譙責不至議者
方以持重歸之王子既不出此而所汲汲乃在吾身是非
利害之外嗚呼王子其有大不容已者乎哉言王子有在

郡郡園則毋危王子殆死毋也嗚呼是然矣使無母其
遂已諸王子其有大不容已者乎吾不悲王子任事之心
不見知而悲天予其生不待深究而遽止者其謂何也王
子既殯西墩其子如圭自為狀走便不遠數千里索余為
銘且曰先君靡日不言先生幸卒憐之余持書泣曰余後
死矣恣不為銘按狀王子名德字汝脩少英異有大志舉
丁酉鄉試戊戌第進士庚子授東昌推官善治獄巡撫曾
公銳壯其人已而見總弱冠乃更改容嘗署高唐民病汲
開北門便之鑿石得石石文有曰北門開王德耒人語為
神辛丑臨清外城成以督工陞俸一級六月丁父憂丁未

補大名會河南盜掠湖廣貢金衆疑在滑且指四人姓名
為證有詔逮捕王子聞之自府趨滑驗狀無實執弗與河
南將上奏未幾得真盜京師遂釋四人滑立生祠祀焉自
登第至是十年不遷不知榮進比滿考會選臺諫乃與沈
君東堅不赴考為當道所廉授戶科給事中二旬上疏言
時政所忌上不加罪旋主光祿罷無名費才三月省四萬
餘金庚戌北虜入寇條陳十餘事首議開北門納奔民平
通太二倉米價活諸餓者夜半遣中官至家傳旨允之無
何募兵山東軍資乏懼不足數則假便調簡民兵直以賞
之易其名曰義勇兵始大集是時詔下特舉才望格於議

出為廣東按察僉事兵備嶺南至則以身率海兵鵬勦村
堡動至數百人飲食兵器呼吸立具壘寨喘喘莫測次
第就降會英德民兵盜庫金為海兵所獲知縣吳希曾畏
罪反坐海兵爭之不得遂引疾棄官不悅者劾其擅違竟
罷職異時王子所語募兵與兵備即此兩事此兩事在王
子尤不甚奇其居官廉慎過於處子執古喪禮不眩時俗
在諫垣歲餘凡四十疏詞極剛懇雖至忤人而其人喜怒
又足以張禍福曾不委曲少徇其意平生所期惟知進則
澤被天下退則福及一鄉以必不負此心為主盖有人視
以為無益而已在所必為人或以為可緩而已不容以朝

夕者惟其氣極憤烈而和易藹然出於天性赤色勵聲未
嘗或及僮隸嗚呼士果可以死乎王子自五代世居英橋
宋有諸惠者以長厚望于鄉高祖毓曾祖珽祖獨父浥號
橘泉以王子貴贈文林郎直隸太名府推官母林氏封太
孺人娶邵氏封孺人子二長如圭府學生次汝璧襲百戶
女四長適禮部儒士張鳴球次許頊光祖二尚幼王子生
正德丁丑閏十二月十二日午時卒嘉靖戊午四月二十
日申時年統四十二銘曰孰不愛親而殺其身徵之聖人
聖人曰成仁孰不愛己而輕其死告之天子天子曰勤事
情之所激嘗恐罔生謂非天與其成則既見之躬行事之

可謂尚不止此惟其心有不已夫是謂之志士



浙江圖書館

廣東按察司僉事贈太僕寺少卿東華王公墓表

德

王世貞

當太僕公之將入給事中也。姚弗肯應曰：吾必死，諫死易耳。而以貽太夫人憂，何辭不許。乃入給事中，數上書論事。執政固目攝之矣。而會虜圍寇塞內，傅大都公遂欲死虜。而以募兵出歸，復欲以死爭權。相不果，而遷按察僉事。兵備崩南，以去一與其守令。以大盜獄不合臺右，其守令即自劾歸。永嘉歸而自憊，可無死以終奉太夫人也。乃又不勝激，島夷難從，鄉里惡少年罪走之。凡三載，永嘉之鄉兵幾振，無何竟敗以死。太夫人固無恙也。且夫士豈必盡用

死重哉夫死不死遇也或曰公殆欲以愧夫封疆之臣而
失職者則又非也夫公知有君親而已矣奉君則君重奉
親則親重死不死遇也公姓王氏諱德字汝脩世為永嘉
名族而其在諸生時美髻眉妍皙若玉雪人固肅然亡敢
以狎進甫踰冠成甲第授東昌府推官丁父憂歸補大名
公之兩司雄郡理以一切治辦稱又嘗城臨清論功進歲
奉而其辨滑大盜獄滑人德之為祠祀焉幾十年而始拜
給事中即勸上簡內閣輔臣謂文言而不當用強博而不
獲要外廡而內濟欲陰忤而陽為容者非其人也執政固
中恧所繇目攝矣而公按光祿即汰其費三月而得四

萬金當虜入公所上十餘事如開北都門入郭外遮賊者減
京通倉糧價使民得量受食而又薦材士大夫趙貞吉劉
燾輩婁當上急比奏即報可所募兵山東為諸道最搢紳
大夫交口推公才以當一面而忌者亦時時反脣會新太
宰上事公投刺少殺其禮太宰責倨甚即出公而公素嚴
重諸給事偶坐不能得公一語而公間引其所善論國大
計臧否人刺刺不休也故事三司謁臺亡不謬為恭謹前
白事若小吏而公其末顧獨捧手而已不為禮乃至都御
史詞公廉檄餘奉為餉且獎公公曰都御史於法亡獎二
司者二司法不得受餉下其金籍之公部兵執盜民也民

亦謂公兵盜郡守為民請持未決而都御史意公私其部
兵則猶以籍金故公之歸太宰移文留公不得而前太宰
復用按牘曰是故強項給事耶以絃離職罷公公所前募
山東兵精甚居自恨不得以其兵一當虜而其餘事嶺南
數選練驍銳以軍法約束之身入諸徭寨所傷殺捕鹵過
當歸遠有倭亂乃納太夫人城而從其宗人豪散訾財募兵為墓
井捍嘗一再敗之斬首獲生以數十計最後公雖擊敗賊
然失其豪以是憤恚奮益前異復豪讐而叅將鉄兵悔約
跳郡援又不至兵既敗公猶手射殺數人罵賊以死然賊
自是奪氣竟不能越公鄉而薄郡矣夫公以烏合之衆素

所夷等非有國家一節以提衡其命而能用之至三年而
亡畔散功雖不終自兵興以來未之有也 天子用督臣
請嘉公誼贈太僕少卿賜祠春秋祭額曰愍忠官其後一
人錦衣百戶世世弗絕嗚呼公之致身不必在官人主之
用公不必及身雖若俱稍後者而其交盡而互報則無憾
矣公之舉進士宗人有以時相連者以書為公請公審視
之削其請而後授生平杜干謁雖贊帛必却其於進教避
不肯就於退則一拂衣而決此其倡果勇奮節激昂豈復
有赴會希造意哉公之歿春秋僅四十二有子如珪舉鄉
進士賢而文如璧今為錦衣副千戶謂不佞好談說古今

節義事俾志其大都於墓道之石餘見羅翥善侯布改志

傳中



浙江圖書館

明故山西行太僕寺卿石亭陳公墓誌銘

沂

先生吾南都文人也穎異蚤見軀不甚長神采朗秀眸子
可照少好蘇氏之學筆勢瀾溢人謂其類東坡亦自號曰
小坡中歲再變其格詩宗盛唐文出入史漢歸於簡古晚
益好著述浸淫理奧不以綺麗競能厭趣遠哉璘自登第
後相結為文友傾心四十餘年切劇許日契益膠固真如兄
弟骨肉頃年先生以山西行太僕卿璘以浙江布政使各
請老居山中與諸耆舊大夫脩淨社甚懽丁酉璘召起為
副都御史撫楚與先生別殊快。戊戌秋忽以訃聞實卒
于六月二十六日璘哭之慟其子時萬等致禮部主事許

子穀狀來請為墓銘嗚呼吾與先生交期止此耶乃又不
獲執手永訣痛矣夫天道負人每如母也恨恨何有窮日
乃志曰先生名沂姓陳氏初字宗魯後改魯南號石亭居
士本宋丞相秀國公弁之裔曰澤以言青苗謫四明為
斲人曰珪國朝以醫徵入太醫院始家南都其詳載長
沙公傳中長沙公諱綱稱遲宜子即先生父初為黔陽令再擢長沙通
判皆有遺愛祀于土毋金安人以成化己丑七月二日遲
宜公先夢釋氏奉明珠入室旦生公五歲能屬對八歲能
摹古人畫十歲能詩十二歲能舉業率奇拔驚動長者摠
角著孔墨辯赤寶山賦諸文傳誦人口自是行誼文學日

益隆茂辛酉始舉鄉試暨丁丑始奉進士雖久處常布時名
燁然出人上閣老野亭劉公太宰白岩喬公少宰柴墟儲公
宦南都時皆海內具瞻鄉定山莊先生負奉行高望皆引為忘
年友既仕改翰林院庶吉士除編脩與脩武宗實錄推內館教書
癸未禮部聘同考官甲申與編修鄒守益等及與修撰楊慎
再論大禮實錄成進侍講賜白金文綺隨充經筵講官譔講
章善寓諷勸上問宰臣知其名丙戌授冊封楚王踰年出為江
西布政司叅議先生素袍經濟樂於惠民於是備設科條以杜
奸完賦同官驚服進山東左叅政按沂莒滕費諸郡邑察其災
荒發官帑市牛百餘頭給民墾藝且寬其稅期年皆熟又為蠲

除種馬薪木運布諸征民獲甦息嘗至鉅野察有盜將發調
卒襲補散之即言于中丞職兵者不謂然已而盜竟破縣去
衆許其略嘗遇執政於德勞之曰先生久外將召矣對曰齊
民困甚苟行吾䟽勝吾受德意大忤吏部奉河南福建布政
司皆不遷遂改山西行太僕卿再上䟽請老歸築遂初齋於
家園杜門著書絕意世事乃今天不受賢遽爾見奪蒼生已
笑又如鄉國何哉先生孝友忠信出于天性事二親死生情
文備極人所難及素廉於財長沙公沒後營弟妹婚姻貸
以備禮及貴周卹南都與四明族屬往往曲殫心力嘗有
大臣後流落不能歸葬必圖為之所居京凡鄉閭人急難

匍匐極之唯恐後蓋平生舉事造念率歸忠厚固不可以
計數也所著書有 皇明翰林志金陵圖考金陵世紀畜
德錄誨似錄花巖志游名山錄晤言詩談總若干卷詩文
拘虛集若干卷又金陵志山東通志南畿志皆出筆削狀
謂其清脩厚德文藻惠政合而歸之有道仁人吾鄉稱為
實錄初配楊繼馬婦德并茂馬尤能文贈封皆淑人子男
四伯時萬鄉進士仲時億叔時兆皆才哲方向進季時
尚幼孫男幾女幾其興蓋日熾云卜巳亥 月 日合窆
於楊淑人之墓墓在岔山祖塋兆內銘曰文以韋物唯道
是則發藻于才立本于德小儒偏長下乃剽竊於唯先生

秉德自天企彼四科庶幾閱顏乃述乃作是謂善言達諸
大業僅試旬宣乘雲御風言返天門有遺在壤瘞玉彼公
赫々其光燭于九原匹躬斯已百代攸聞

顧璘撰

浙江圖書館





浙江圖書館



浙江圖書館



浙江圖書館

浙江圖書館善本


甲 登記號：006683

一九 年 月 日



浙江圖書館

colorchecker CLASSIC



xrite



mm

